



UNIVERSITÄTS-
BIBLIOTHEK
PADERBORN

Davidis Regii Prophetæ Psalterium

Moritz <Hessen, Landgraf>

Smalcaldiae, 1593

VD16 B 3258

Psalmvs CXXIX. Sæpè expugnauerunt me, &c.

[urn:nbn:de:hbz:466:1-68864](https://nbn-resolving.org/urn:nbn:de:hbz:466:1-68864)

PSALMVS CXXVIII.

Beati omnes, qui timent Dom. &c.

ECquis erit felix? Dominum quicumq; timebit,
Eius & in recto tramite tendet iter.
Qui facis hoc, fructu proprii vescere laboris,
Propitioq; tibi numine prosper eris.
Vxor erit fecunda tibi, coniuncta marito,
Vitis ut amplexu stat decorata domus.
Et latus & patriam cingent tua pignora mensam,
Non secus ac ramos pandit oliua ferax.
Hos fructus pietatis amans, hæc commoda cernit,
En hæc in terris dona beatus habet.
Ergo tibi Dominus benedicat ab arce Sionis,
Ut videas Solymam: quot sit adaucta bonis.
Nascatur series viuo tibi longa nepotum:
Floreat Isacidum gens pia pace bona.

PSALMVS CXXIX.

Sæpè expugnauerunt me, &c.

SIC sancti dicant: me expugnauere maligni:
Iam fuit à puero turba molesta mihi.
Sæpius à puero nocuit mihi turba malorum,

Victa tamen semper, iussa subesse piis.
 Huic velut agricola sulcantes vomere dorsum,
 Infixere animo vulnera longa meo.
 Ast Dominus iustus patrati criminis ultor,
 His iuga dirupit, vinclaq; cum laqueis.
 Hos maneant Domini pœna, pudor opprimat om-
 Inuida quos rabies tanta Sionis habet. (nes,
 Herba velut pereant, qua in summo culmine cres-
 Matura messis marcuit ante diem. (cens
 Herba velut pereant, de qua non vere manipulos
 Cultor agri, sed nec pingua grana legit.
 Queis nec prateriens solito de more precetur,
 Nec dicat, vobis sit bonus Omnipotens.

PSALMVS CXXX.

phalencia

De profundis clamaui ad te, & c.

TRistes, ah pater, & graues querelas,
 Fufis heu lacrymis, meum cor edit,
 Has prona precor aure mitis hauri,
 Clamantis famuli ex voragine alta.
 Si sub iudicium vocas reatus,
 Quis iustam reus expiabit iram?
 Huic quis par erit, hancq; sustinebit?

Culpam